



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 47. Primi Legati oratio ad Patres circa Synodi exitum.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæc. XVI. rianis, qui tamen postea consenserunt
A.C. 1563. cum aliter nequiret evitari, ne Galli ante
 Concilii exitum discederent.

§. XLVII.

*Primi Legati oratio ad Patres circa
Synodi exitum.*

Ragn. n. 208. Postea Cardinalis Moronus Legatorum
Act. MS. primus de Synodi finiendæ necessi-
Congr. Trid. tate rursus orationem habuit his ver-
arch. Vat. bis conceptam: „Tractata jam sunt ea,
Sign. 3196. „quæ hoc in Concilio magis neces-
p. 142. „sario discutienda videbantur, nam quod
 „ad fidem spectat, qui primus erat Con-
 „cilii scopus, ea sunt conclusa, quæ
 „ad justificationem, & ad Sacramenta
 „pertinebant, & nostri temporis hæ-
 „refes certis Canonibus damnatæ sunt:
 „ipsi vero hæretici, quorum resipiscen-
 „tiæ, & saluti præcipue consultum oportuit,
 „sæpe a summo Pontifice, & a vo-
 „bis ipsis, tum literis, tum certis e-
 „tiam Nuntiis, & fide publica invitati,
 „nunquam adduci potuerunt, ut huc
 „accederent: actum est præterea cum
 „Principibus, & præsertim cum Cæ-
 „sarea Majestate, cujus maxime apud
 „illos debuit esse auctoritas, ut eosdem
 „ad Concilium adeundum inducerent:
 „sed frustra omnes adhibitæ sunt per-
 „suasiones: utinam venissent, & se Con-
 „cilio, sententiisque nostris submis-
 „sent:

„sent: nam nullum nobis majus gaudium, Sæcul XVI.
 „nullum illis ipsis, & universo orbi A.C. 1563.
 „Christiano salutaris accidere potuisset:
 „forte Deus dabit illis mentem, sen-
 „sumque meliorem.

„Interea vos, qui rogando, & cun-
 „ctando pietati vestræ, & paternæ erga
 „illos charitati satis abunde satisfacistis,
 „quoniam videtis de illorum adventu
 „nullam esse spem reliquam, nihil est,
 „quod ultro tempus conteratis, præfer-
 „tim cum res Concilii in eum jam sint
 „statum deductæ, ut, quoties vobis col-
 „libitum fuerit, extremam illis possitis
 „manum imponere, nam quod ad re-
 „formationem pertinet, quæ secundus
 „Concilii scopus fuerat, multa acta
 „sunt, & in unoquoque dogmate ad-
 „ditum est aliquid semper, atque adeo
 „multum, quod ad ipsam reformatio-
 „nem pertineret, & quasi affines illi
 „dogmati abusus tolleret: in præce-
 „denti vero sessione tot, & tam præ-
 „clara generalis reformationis decreta
 „sanxistis, ut, si illa observetis, resti-
 „tuta omnino videatur antiqua Cleri
 „disciplina; possunt quidem optari ma-
 „jora, sed homines sumus, non An-
 „geli, & pro ratione temporum satis est
 „id amplecti, quod possimus, forsitan,
 „quando hæc executioni mandata fue-
 „rint, Deus ostendet meliora.

F 2

„Paucæ

Sæcul. XVI.

A.C. 1563.

„Pauca vero illa, quæ restant, &
 „jam vobis exhibita sunt, tum doctri-
 „næ, tum reformationis capita, a
 „vobis in privatis vestris ædibus jam
 „examinata, & digesta sunt, ut hoc
 „loco, neque multo tempore, neque
 „longis indigeant disputationibus. Ca-
 „put de Principibus reformatum est,
 „ac certe si ipsorum Principum probita-
 „tem animadvertimus, sane possumus
 „acquiescere: quod si eos ad pietatis
 „studium provocare volumus, exemplo
 „pietatis nostræ multo magis provo-
 „candi sunt, quam propositis pœnis,
 „aut anathematismis: vestræ igitur sint
 „partes, cum illis pie, & moderate a-
 „gere, & qua Christianos Patres decet,
 „charitate, & prudentia.

„Cæterum, cum nil ultra habea-
 „mus, neque de fide, neque de refor-
 „matione, quod vobis proponamus, &
 „ea, quæ nunc in manibus habetis, com-
 „mode possint unica futura Sessione ab-
 „solvi, cupimus nos, & maxime op-
 „portunum judicamus, si idem vobis
 „videatur, ut eadem futura Sessione fi-
 „nis Concilio imponatur. Summus
 „Pontifex idem valde optat, & probat:
 „idem Cæsarea Majestas cupit, idem
 „Galli, ut testatur Illustrissimus Cardi-
 „nalis Lotharingius: Germania enim,
 „& Gallia, ubi omnia ab hæreticis in
 „du-

Sæc. XVI.
A.C. 1563.

„dubium revocata sunt, eo majorem
 „quotidie trahunt ruinam, quo vos diu-
 „tius differtis Catholicorum causas, &
 „sententias vestris publicatis Decretis
 „confirmare, & veluti ab hostium in-
 „fidiis vindicatas in tuto collocare: Con-
 „cilium vero ipsum ob Germaniam, &
 „Galliam convocatum esse, nemo est,
 „qui ignoret, nam Regis quidem Ca-
 „tholici regna, & pacata erant, & Con-
 „cilio non indigebant, imo vero Rex
 „ipse Catholicus Concilium optavit, &
 „procuravit, ut Gallorum, & Germa-
 „norum salutem consuleretur, quod ut
 „jam fiat, tempus ipsum vos monet,
 „Oratores Principum id omnes exoptant:
 „omnia Concilii finem exposcunt, om-
 „nia sunt matura, colligendi sunt fru-
 „ctus: oves vestræ vos expectant, &
 „diuturniorem vestram absentiam ferre
 „non possunt: quare vestrum reditum
 „ad illas maturantes, expedite ea, quæ
 „in manibus habetis, & finem Conci-
 „lio imponentes vestris quoque vigiliis,
 „& laboribus finem imponite, quæ ut
 „maturiorem, & uberiosem fructum
 „vobis ipsis, & universo orbi afferant,
 „assidue vestris, & omnium piorum pre-
 „cibus a Deo contendendum est.,

F 3 §. XLVIII.